

N. 3998. ex a. 1864.

S. Nicolaus praebet exemplum Presbyteris ad indulgentias vicinas proficiscentibus in zelo animarum &c.

„Hujus S. viri illud insigne est christianae benignitatis exemplum, quod cum ejus civis (Patarae in Lycia) egens tres filias jam nobiles in matrimonio collocare non posset, earumque *pudicitiam prostituere* cogitaret: re cognita, Nicolaus noctu per fenestram tantum pecuniae in ejus domum iniecit, quantum unius virginis doti satis esset: quod cum iterum et tertio fecisset, tres illae virgines honestis viris in matrimonium datae sunt.. Viduis et orphanis pecunia, consilio, opera non defuit; oppressos adeo sublevavit, ut etiam tres tribunos per calumniam a Constantino Augusto condemnatos, qui se propter famam ejus miraculorum orationibus longissime absenti commendarunt, adhuc vivens, cum Imperatori, minaciter eum terrens, apparuisset, liberaverit.....“ Talia inter alia Ven. Clerus in Officio div. pro 6. Decembris de S. Nicolao deprehendit, admirando zelum, quo aestuabat erga lucrandas caelo animas. Porro hauritur e traditione notitia, quod Vir tantae eruditionis, pietatis et benignitatis, singulari in juventutem flagrabat charitate, eapropter ejus colitur Patronus. Neminem quoque latet, parentes vel fautores, prolibus morigeris, in vigilia S. Nicolai nomine ejus, pulvinari supponere munuscula, immorigeris autem virgas. Imo ut magis juventus ad diligentiam et obedientiam concitaretur, hinc inde coram prolibus comparet Persona S. Nicolai splendide induta cum donulis et virgis, examinando eos e progressu in addiscendis precibus aut colendis moribus.

In quibusdam locis observantur Parochiani ipso festo Pastoribus suis in ipso templo praesentare munera in *gallis, lino*, quasi his symbolis vigilantiam et lenitatem delicate innuentes,

Et quis ignoret Epistolae et Evangelii tenorem, quae pro hoc festo assignata leguntur?! Quis non ruminet **Lectionis** verba: *Optimum est enim gratia stabilire cor, non ascis, quae non profuerunt ambulanti in eis!* vel: *Beneficentiae autem et communionis nolite oblivisci, talibus enim hostias promeretur Deus!* Evangelium vero de talentis, ostendit servis in eorum administratione fidelibus mercedem gloriae et felicitatis aeternae grandem in caelis.. ecclesia non minus ipsa celebrat tot et tantas virtutes, quas **Lectio** et **Evangelium** innuit, in Nicolao festivante, Patrono juventutis, nec non exemplari sublimioris et inferioris sacerdotii!

Quoniam festum tanti Sancti incidit in Adventum; in tempus praeparationis ad adventum Salvatoris in corda nostra per Communionem sacram, Christifideles copiosissime confluent in Ecclesiis, ubi indulgentiae S. Nicolai celebrantur.

Vos igitur Dilecti Fratres in Christo! ad eundem S. Nicolai zelum vocati estis, et propter eundem quotidie dote Ecclesiae fruimur alimur — premite vestigia hujus Coelitis. Omnem movete lapidem in praepediendis vitiis, praepimis luxuriae. Et in specie, quotiescumque ad Indulgentias S. Nicolai vel alias properatis, sedulo quaerite periclitantes, pauperes spiritu, consilio indigos, oppressos, a conscientiae stimulis agitados, eosque zelo S. Nicolai